



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Septem Illustrium Virorum Poemata**

**Amstelodami, 1672**

Poemata Joannis Rotgeri Torckii, Praepositi Mindensis, & Canonici  
Paderbornensis ac Monasteriensis.

**urn:nbn:de:hbz:466:1-11215**

POEMATA  
JOANNIS ROTGERI  
TORCKII,  
PRÆPOSITI MINDENSIS,  
& Canonici Paderbornensis ac  
Monasteriensis.



A D

# FERDINANDUM FURSTENBERGIUM,

*De secessu Tiburtino.*

**J**uꝩunda quies! ð blanda papavera fomni,  
Et pia Lethæis frons medicata vadis!  
Callida nocturnas oculis properare tenebras,  
Dum mediis cælo sol calet altus equis.

Vidimus hanc tacito tua spargere tempora fucco,  
Et geminas unâ condere nocte faces.

Fusus eras, memini, vitreas Anienis ad undas,

Curva quibus gelidum vallis opacat iter.

Officiosa falix Phœbi summoberat ignes,

Pictaque nativum struxerat herba torum.

Densa soporifero nutabat silva susurro,

Miscebantque leves amnis & aura jocos.

Et volucrum liquido fuetarum fluminis alveo

Mille dabant varios guttura mille fonos.

Talis in Actæis juvenis Theseius umbris

Concidit, hirsutos sternere fessus apros.

Talis & avectum sopor est complexus Iūlum,

Didoni strueret cū Venus alma dolos;

Et benè cognatos simulante Cupidine vultus

Idalias premeret languidus ille rosas.

Ast ego nunc amnem, tua nunc vigil ora tuebar:

Nunc in Callimachi versibus omnis eram:

V 3

Nunc

Nunc mihi fingebam maturas solibus uvas  
 Ad gelidos fontes prætereuntis aquæ,  
 Purpureosque avido ducebam gutture succos.  
 Sæpè mihi tales dent mea fata dies.  
 Quærat avarus opes, petat ambitiosus honores:  
 Sit procul à tanto nostra furore quies.  
 Quid, miser, auriferi medio tibi proderit Hermi  
 Gurgite Tantaleam semper hiare sitim?  
 Quid Siculas valles, montique propinqua Vesevo  
 Mille boum gemitu vertere rura iuvat;  
 Horrea si crescens tibi rumpit & ilia mæssis,  
 Teque simulque tuas arca flagellat opes?  
 Aurea sollicito tibi spumant pocula Baccho,  
 Et vigiles noctes lectus eburnus habet.  
 Prisca quies tacitis nemorum se condidit umbris,  
 Et colit angustos vita beata lares.  
 His mea pauperies populo secreta latebris  
 Regales animo divite vincet opes.  
 Sed neque longævis nemoralis Aricia lucis,  
 Nec liquido cepit me vetus Alba lacu.  
 Inclyta Romulidum quondam Præneste voluptas  
 Nunc fitit, & nudis horret ubique jugis.  
 Explicat urbanos opulentia Tuscula luxus,  
 Sed nimiâ adscitus displicet arte decor.  
 Tiburis Herculei nobis juga candida rident:  
 Stat mea iudicio, Flacce, Camæna tuo.  
 Hic veniunt segetes, veniunt feliciter uvæ:  
 Autumno hic gravidus divite gemmat ager.  
 Hic non falsa suis oleagina silva colonis  
 Palladios colles & juga summa tenet.  
 Ipsa quoque asperitas, & rupibus insitus horror,  
 Temperat ingenium deliciasque soli.

Quid

Quid loquar ut nitidas Anio pellucidus undas

Volvat, & electro purior arva riget?

Jamque vago cursu & lapidosâ exercitus irâ

Mollior Herculos lambere gestit agros.

Et veluti flabris crispatum lenibus æquor

Compositæ repens otia ludit aquæ,

Cùm subito lapsu barathrum ruit omnis in imum,

Condendum inferno jam Phlegethonte putes.

Rorantes canâ latrant aspergine cautes,

Et furit horribili spuma Aniena sono.

Mox vasto exesi forbetur montis hiatu,

Præcipitatque trucem per cava saxa fugam.

Trunca jacent ripis sæcli monumenta vetusti,

Et premit informes alta ruina domos.

Hæc Mæcenatem spirant, hæc rudera Flaccum,

Rudera Pieriis deveneranda sacris.

Hic illa imperio Romani par lyra mundi

Subdidit Italico carmina Graia jugo.

Hac obscura specu stimulante Sibylla calefcens

Numine fatidicum sæpè canebat epos.

Excitus hisce adytis venit in præcordia Vatum

Fervor, & acceptis ignibus ossa calent.

Parte aliâ vastæ semesa cadavera molis

Sparsa per Argeos conspiciuntur agros:

Quâ tua magnanimâ labor improbus arte coëgit,

Fucine, per dociles ire fluenta vias:

Aufus & obstantis perrumpere viscera montis,

Roma peregrinis ut frueretur aquis.

Hic utinam æstivos liceat mihi condere soles,

Vefanus Latios cùm leo torret agros!

Icarii que canis vapor atrox incubat Urbî,

Et ducunt mœstæ funera crebra viæ.

Hinc reducem , inverſo ſignis pluvialibus anno,  
 Excipiat modico Roma beata lare :  
 Et procul à ſtrepitu fumoque volubilis aula  
 Claudantur tacito gaudia noſtra ſinu.  
 Sic placidis annis , & amœno carperer ævo,  
 Et fluerent niveâ ſtamina noſtra colo.  
 Sed quid agis ? tibi vana miſer quid ſomnia fingis ?  
 Quid rapido jactas irrita verba Noto ?  
 Te ſua Hyperboreus revocat ſub plauſtra Bootes,  
 Sæva Lycaonii te manet axis hiems.  
 Sæpè dies ſolidos patriis pulſabere nimbis,  
 Sæpè rigens glacie, vel nive canus eris.  
 Cocta Ceres Tiburtino ſuccedet Iaccho,  
 Spumosaque cadet face peremta ſitis.  
 Parva queror : fugimus Phœbumque novemque Sorores,  
 Et mea Pegæus deferet ora latex.  
 Jam mihi Perrhebi nemora evaneſcere Pindi,  
 Jam dubius condi nube videtur apex.  
 Caſtaliis mihi triſte Vale jam redditur antris,  
 Mœſtaque ſupremæ vocis imago redit.  
 Nubiſeras gradiar ſine te, FERNANDE, per Alpes,  
 Dimidiâque animæ parte carebo meæ.  
 Quàque ſacras vidi quercus, montesque moveri,  
 Me linquet Clariæ vox tua miſta lyræ.  
 NATALISQUE tui cultiſſima Muſa Latinas  
 Quàm procul heu noſtrâ tendet ab aure fides!  
 Docta FAVORITI nobis muteſcet arundo,  
 Tritaque bucolicis labra canora modis.  
 Fata reluçantés rapiunt, ducuntque volentes :  
 Non moror, auſteram ſpontè vorabo viam.  
 Vos remanete, quibus pronâ fors annuit aure  
 Molliter in gremio poſſe cubare ſuo.

Vivite felices, ævumque agitate serenum,  
 Quæque vehit vestras, provehat aura rates.  
 Divus ALEXANDER, Superùm justissima cura,  
 Orbis amor, Romæ vita decusque suæ,  
 Vincit ut eloquio, sic Nestora vincat & annis,  
 Utque beat juvenes, vos beet ipse senes.  
 Me mea fata trahant, casus retrahantque per omnes,  
 Me ferus Arctoo demetat ense furor.  
 Me petat ipsa suis glacialis rictibus Ursa:  
 Lætus ALEXANDRO sospite cuncta feram.  
 Cùmque severa meos evolverit Atropos annos,  
 Lætus ALEXANDRO sceptrâ tenente cadam.  
 Sospite ALEXANDRO mea molliter ossa cubabunt,  
 Atque favilla levi nostra premetur humo.

IN FUNERE  
 SIDRONII HOSSCHII  
 E SOCIETATE JESU.

O Noctis æternæ atque Erebi pudor,  
 Crimen Deorum, lurida carnifex  
 Mundi ruentis, quam tot atro  
 Sæcla juvat vacuare penso!  
 Quæ sæva Erinny's, quodve odium vetus,  
 Fame sive magnorum improba funerum  
 Te concitavit in verendum  
 SIDRONII caput immerentis?  
 Fatum serenæ molliter aureum  
 Nebant Sorores. Dum propior Deo  
 Poëta nil mortale cantans  
 Ternarias tremefecit umbras.



Arrexit aures Orcus, inertior  
 Styx hæsit, ingens continuit canis  
 Riçtus trifauces, & Megaræ  
 Viperei siluere crines.  
 Tu sola funestam rabiem intimis  
 Coquens medullis, diceris inclytum  
 Plutone deprecante stamen  
 Sacrilegâ secuisse dextrâ.  
 Scelus peractum est. Magni Elegi tacent,  
 Nec par Tibullo gratia, ceu prius,  
 Cantando jam Scaldim moratur  
 Præcipitem, lacrimisque Mosam  
 Latè tumentem. Quin sacra lugubri  
 Clamore Parnassi antra remugiant,  
 Præcordiisque excussa mœstis  
 Per virides gemit aura lucos.  
 At victor orbis fidereos premit,  
 Aurâque Divûm vescitur H O S S C H I U S,  
 Et jura Minois severa  
 Despicit, invidiamque Parçæ.  
 Quid victa frendes? rumpere lividæ  
 Mortis satelles, rode manus reas,  
 Caputque nequicquam scelestum  
 Tartareo Phlegethonte cela.  
 Præcisa Vatum vita repullulat  
 Ringente Averno. Non timet Atropon  
 Mens plena Phœbi, sed superbo  
 Fata sinistra domat triumpho.

FABII CARDINALIS CHISII.

PAnde natales Heliconis umbras  
Dulcis Euterpe, fidibusque mistâ  
Voce Pimplæo madidum lepore,  
Dic, age, carmen.

Bina Parnassi juga gratulante  
Annuant lauro, genitrixque docti  
Fontis extundat cava largiores  
Ungula succos.

Ultimas brumæ fugientis IDUS  
Phœbus æternis revehet quadrigis,  
Prima nascentis quibus ora CHISI  
Vidit, & arsit.

Mox nitens frontis jubar, & coruscus  
Regii currus geminavit ignes:  
Fluxit inversâ Ganymedis urnâ  
Nectar & aurum.

Mater Heroum genitrixque Divûm  
Ritè sollemnem venerare lucem,  
Sena, quæ magni tibi prima risit  
Conscia partûs.

Adstrepit lætis vagus Umbro lymphis:  
Certet Umbroni Padus, & loquacis  
Incolæ stagni geniale cantent,  
Carmen olores.

Mar-

Martæ pubis Melite palæstra,  
 Cladis extremæ mora, quam ruentis  
 Rebus Europæ propè plena Thracum  
 Luna minatur;

Hic dies semper tibi festus ære  
 Bellico flammæ vomat innocentes,  
 Classis invictæ fremat omne ludis  
 Litus & æquor.

Canus Alpinâ nive Rhenus udos  
 Palladis ramo cohibens capillos  
 Justa suadentem memoret sequestrum  
 Otia pacis.

CHISIO puris Amafis fluentis,  
 CHISIO fegni putris Alpha stagno  
 Plaudat, & sperni Mimigarda gaudens  
 Carmine Vatis.

Roma terrarum caput, una magnis  
 Tu pares reddis Fabiis honores.  
 Fallor? an crescens latet in virenti  
 Maximus herbâ?

At Sibyllinos aperire libros  
 Mitto: secreto properet meatu  
 Ordo fatorum, tacitâ futurum  
 Nocte prematur.

A D

## PHILOMATHEN,

*Germanos Nobiles suo exemplo ad politio-  
rem literaturam ab asperioribus studiis revocantem.*

**D**Udum madenti sanguine Teutonum  
Devota Marti sprevit Apollinem,  
Araque Bellonæ cruentas  
Posthabitis coluit Camœnis,  
Abrepta sævo pectoris impetu,  
Germana pubes. Per fera prælia,  
Per arma, per cædes ruebat,  
Præcipiti velut Ister undâ,  
Mactanda vanæ victima gloriæ.  
Sic gentis ortum, sic genus inclytum  
Probare, sic pulcrâ decebat  
Morte suas animare ceras.  
Altùm filebant Aoniæ fides,  
Dum delicatum tendere barbiton  
Devitat, imbellique plectro  
Mollia sollicitare fila,  
Assueta ferro dextera nobilis:  
Dum militari tempora laureâ  
Virent, triumphalesque suadet  
Othryadis truculenta Sparte  
Semper legendas discere literas.  
Phœbi patebat Pierium nemus,  
Et sacra tractabat verenda  
Vulgus iners, animæque viles,

Cùm

Cùm stirpis altæ dives honoribus,  
 Phœbi benigno non sine numine,  
     Profectus extremis ab oris  
         Italix peregrinus Heros  
 Ad vasta Rheni flumina, non suis  
 Rubentis undis, virgineam chelyn  
     Pulsare, percussisque nervis  
         Castalios sociare versus,  
 Et ære triplo corda rigentia  
 Mollire cœpit non minor Orpheo,  
     Phœbumque Germanis serenum  
         Restituit, juvenesque Musas.  
 Non indecorum est hoc duce & auspice  
 Adire montis Gorgonei juga,  
     Specusque doctas, & virentem  
         Fatidicis Heliconæ lauris.  
 Ad magna nati discite Nobiles  
 Æternitati scribere: discite  
     Aptare carmen, quod futuro  
         Posteritas legat omni ævo.  
 Plenum recepto pectus Apolline  
 Numquam obruendis nobilitat suam  
     Stirpem trophæis. Mors & ætas  
         Cuncta rapit: manet una virtus.  
 Videtis alto sidera vertice  
 Ferire docti carminis alitem:  
     Videtis in quantâ triumphat  
         Philomathes celebratus aulâ.  
 Junguntur uno pectore Principis  
 Et Vatis artes: unica mens Jovem  
     Musasque miscet, & capaci  
         Cuncta sinu generosa claudit.

JOANNIS ROTGERI TORCKII. 319

Rumpatur ater livor, & invidos  
Corrodat unguis, dum pariter Tibi,  
Vir magne, plaudit Urbs & Orbis,  
Cujus onus geris alter Atlas.

Ad duos Sacri Romani Imperii Principes,

CHRISTOPHORUM BERNARDUM,

*Episcopum Monasteriensem, Administrato-  
rem Corbeiensem;*

E T

F E R D I N A N D U M

*Episcopum Padibornens. Comitem Pyrmontanum.*

In Visurgi flumine inter Corbeiam & Beverungam ratibus  
obviis convenientes, & navale convivium  
celebrantes, Anno M. DC. LXIII.

E L E G I A.

*Visurgis loquitur.*

VEnit pulchra dies & prisco concolor auro,  
Venit, & in nostris lux nova fulget aquis.  
Lux mihi fatidicis promissa è quercubus olim,  
Sevit in Aufoniis quas D E U S ipse jugis;  
Impia cùm patrias rediit Dodona sub umbras,  
Oraque Chaonii conticuère Jovis:  
Aureus hinc illis color & cælestis origo,  
Et caput ad superas exeruère faces;

Nunc

Nunc & adoranti fundunt oracula mundo,  
 Quæ solum & unda tremunt, Styx pavet, astra probant.  
 Fausta dies, quæ post ferri tot sæcla, tot æris,  
 Solibus antiquis æmula furgis, ave!  
 Aoniæ resonate fides, resonate Camœnæ,  
 Clangite nunc hilares per vada nostra tubæ.  
 Edite tympana rauca ferox & amabile murmur,  
 Tympana belligeros sueta ciere viros:  
 Ast ubi pax rediit pueriles docta lacertos,  
 Tortaque Pygmæâ verbera ferre manu.  
 Maeste puer torvo ore, supercilioque virili,  
 Martia cum rigidis pellibus æra quate.  
 Ut crepitant armatæ hyemes, nimbique sonori,  
 Grandine sublimes percutiente domos;  
 Brachia sic agili Corybantibus æmula pulsu,  
 In numerum ærifoni tundite terga bovis.  
 Pax docet innocuos belli simulacra pueros,  
 Martis opus teneras pax docet alma manus.  
 Innocuis canat illa tubis, innoxia mittat  
 Fulmina, dum Bromii dulcia bella calent.  
 Christiadum generosa phalanx Germanica pubes,  
 Obvia barbaricis ensibus atque rogis;  
 Impia tu nostris Turcarum examina Nymphis,  
 Tu prohibe Scythicas tempus in omne faces.  
 Sanguine Threïcium mare decolor augeat Ister,  
 Barbaraque ultrici corpora vectet aquâ:  
 Me iuvat in nitidis liquor hic argenteus undis,  
 Et speculum ripæ lympha beata suæ.  
 Dicite io Pæan! nemorosi applaudite montes,  
 Plaude repercussis Nympha jocosa fonis.  
 Flumina quot pisces, quot habent mea litora frondes,  
 Gaudia ridenti jam tot in amne natant,

Ecce

Ecce triumphalem emittit Corbeia Phaselum,  
 Inque sinu nostro dulce reclinat onus.  
 Sistite nunc rapidi cursus, adverfaque tantæ  
 Unda rati, placidum stans imitare lacum.  
 Ludite cornigeri per amœna cacumina cervi,  
 Ludite securæ per mea lustra feræ.  
 Provehitur pulchrâ juvenum comitante catervâ,  
 Invicto fulgens ense, pedoque Pater:  
 Qui rabidas Erebi furias, nigrosque tumultus,  
 Tisiphonesque comam, Cerbereasque jubas;  
 Exilium sacris patriisque minantia Divis,  
 Noctis in æternæ compulit ire chaos:  
 Cùm rueret cæco præceps Mimigroda tumultu,  
 In Phlegethonteos interitura rogos.  
 Cingat honoratos victrici fronde capillos  
 Nympha, cui dulces laurus opacat aquas;  
 Nos Tua civili redimimus tempora quercu,  
 Servatis decet hæc civibus umbra caput.  
 Sed propiore Deo præcordia nostra calescunt:  
 Vah! mihi fatorum nunc adyta alta patent.  
 Majus opus, Vir magne, moves, majoribus ausis  
 Laudis inaccessible culmen adire paras.  
 Danubius sua vincla quatit, tuaque invocat arma,  
 Liber ut Euxinis immoriatur aquis.  
 Christiadam Thracumque acies, infernus & æther  
 Concurrunt, pugnas orbis uterque ciet.  
 Cerno cruentatos immenso sanguine campos,  
 Magnaque demersos flumina sistere equos;  
 Cerno truci rabidos letho immugire tyrannos,  
 Dum subit admorsam spiritus ater humum.  
 Quis tibi tunc animus, quod magni pectoris œstrum,  
 Qualis erit sacro mentis ab igne calor?



Odryfiam cupies Aquilæ submittere Lunam,  
 Et fera Cæfareo subdere colla jugo;  
 Romanisque Afiam Europæ committere facris,  
 Et rapta æterno reddere templa Deo.  
 Ast aliter vifum Superis: pax mira coibit,  
 Solvet & incuffo barbarâ regna metu.  
 Crescit in oppofito laurus Tibi cardine mundi,  
 Perpetuæque viret laudis amœna feges.  
 Magnus in Arctoi ftabulatur litore Ponti,  
 Quem timet omne folum, quem tremit unda, Leo;  
 Quem neque finitimæ valuerunt perdere gentes,  
 Nec tot ab Hefperiis arma virique plagis;  
 Incubat immenfo nunquam faturabilis auro,  
 Et vigil avectas undique fervat opes.  
 Ibis in exertos pugil imperterritus unguis,  
 Ibis in arrectas Marte ftupente jubas;  
 Oraque, terribili feſe pandentia rictu,  
 Tot bellatorum cæde cruenta virum.  
 Plura tenebroſâ caligine fata recondunt,  
 Et jubet ad molles Muſa redire modos.  
 Obvius Heroi fluit Heros amne ſecundo,  
 Noſter amor, Paderæ gloria, & Amifii:  
 Quem præceps Anio, quem Liris, & Arnus, & Umbro,  
 Et Tiberis Nymphis invidet ipſe meis.  
 Jamque Duces medio coëunt in flumine, facras  
 Fidus amor dextrâs jungit, & unda rates.  
 Fraterno geminæ coaleſcunt ſœdere mentes,  
 Hic mihi jam Pollux, hic mihi Caſtor erit.  
 Æmula ſi patriæ dant illi tempora plumæ,  
 Nāvibus hi noſtris candidiora dabunt.  
 Ergo coronati convivia ferte phæſeli,  
 Ferte tubas, lituos, tympana, vina, dapes.

Robur amicitiae veteranus firmet Iacchus,  
 Qui pleno in mediis ore bibatur aquis.  
 Teutonicos aliter vetat usus condere soles,  
 Cum feriunt magni foedera sancta Duces.  
 Cantatum satis est. Citharæ succedite nostræ  
 Ærisonæ pelles, clarisonæque tubæ:  
 Alternis certate choris, movet arma Lyæus,  
 Prælia dum fervent, classica læta sonent.  
 Ad numeros cyathi moveantur, & ora frequentent,  
 Et natet in cyathis vita salusque Ducum,  
 Utraque festivis resonet clamoribus alnus,  
 Et referat madidas garrula ripa preces:  
 Vivat ALEXANDER, vivat LEOPOLDUS, & omnes  
 Qui tantos Reges Pontificesque creant.  
 Vocibus his colles & saxa canora resultent,  
 Sic hilarem ducant orgia fausta diem;  
 Donec inexhausto Phœbum subducat Iaccho,  
 Frangat & everfos Luna maligna scyphos:  
 Interea mihi fatidico quod pectore prurit,  
 Intempestivo num licet ore loqui?  
 Attamen hæc tacito bibet auris pauca susurro  
 Principis invicti, quem Mimigroda colit;  
 Hic Salomon Tibi, Magne David, cum fata vocabunt,  
 Hic tibi Pompilius Romule mitis erit.

A D

## F E R D I N A N D U M

*Episcopum & Principem Padibornensem, Comitem Pymontanum.*

D E

## A C I D U L A P Y R M O N T A N A .

**C**olle sub umbroso patulis quæ profilit arvis  
 Pymontana tui me tenet unda soli,  
 Unda salutiferis irrorans haustibus artus,  
 Et jecoris rabidam nata levare fitim,  
 Fæcibus & lentis tumidum expurgare lienem,  
 Esuriemque pigro reddere ventriculo,  
 Corporibus morbos, animis depellere curas,  
 Parcarumque breves sistere docta colos.  
 Miramur rapidum generosi fluminis cæstrum,  
 Et murmur resonans, vimque furentis aquæ;  
 Cui ferrugineus vapor incubat, ac velut æstu  
 Ignis inardescens frigida lympha micat.  
 Crederet Ætnæos tibi Nympha subesse caminos,  
 Ignotum carpens forte viator iter.  
 At mihi dulce gelu per viscera perque medullas  
 Serpit, & incluso liberat igne jecur.  
 Talis erat prisco sæclis fulgentibus auro  
 Captata innocuâ lympha beata manu,  
 Cum lucri furor, ac dominandi sæva libido  
 E Stygiis nondum profiliisset aquis;  
 Nativas cum sylva dapes, humus herbida somnos  
 Præbuit, & faciles antra dedere lares.

Hic

Hic quoque nonnulla est avi melioris imago,  
Cultus & antiquis mos revirescit avis.  
Est procul hinc luxus, fatuæque superbia vitæ,  
Oblita est blandos aulica Suada dolos.  
Obsidet hic nullus Magnatum limina fastus,  
Sustinet exiguâ Dux habitare casâ.  
Aurea libertas pictis spatatur in arvis,  
Et caput attollit semisepulta Fides;  
Rident prata, nemusque, serenus ridet & æther,  
Candidus & læto ridet in ore jocus.  
Dulcis, ave, FERNANDE, tuis à fontibus: hic Te  
Promptior irriguo gutture Musa canet.  
Hic Aganippæos videor mihi ducere succos,  
Hunc tetigit campum Bellerophontis equus.  
Fontibus Aönides gaudent Vatesque canori,  
Musa quoque in fontes ingeniosa tua est.  
Quis caput Amisii, Paduli quis nosceret undas,  
Si tua pro Nymphis muta Camœna foret?  
Marmora docta tibi nascentia flumina debent,  
Flumina carminibus nobilitata tuis.  
Attamen imber edax abolebit, & atra vetustas  
Marmora: posse mori carmen & unda negant.  
Sit tibi carminibus, sit par tibi fontibus ætas,  
Ut tibi vena fluit, sic tua vita fluat.  
Vena fluit placido dulcique simillima rivo,  
Currat inoffenso vita beata pede.  
Vena potest vivo minùs exarescere fonte,  
O utinam vitæ lex foret illa tuæ!  
Sed quia lethiferi stant jura adamantina fati,  
Aurea Te serus vesper in astra vehat.

A D

*Serenissimum Ducem Brunsvicensem ac Luneburgensem*

JOANNEM FEDERICUM,  
P A R A P H R A S I S  
P S A L M I C X X V I I .

*Quam optimus Princeps secretiori scrinio dignatus  
est, neque multò post Vatem exoptatarum  
nuptiarum nuntio beavit.*

SÆpe fallacis vaga faustitatis  
Vota deludit jocularis umbra,  
Par levi vento, volucrique confi-  
millima fomno.

Beati omnes qui ti-  
ment Dominum: qui  
ambulant in viis e-  
jus.

Musa tu veram mihi dic beatæ  
Semitam vitæ: quater ille felix  
Quem DEI ducit timor æviternas  
Callis ad arces.

Labores manuum  
tuarum quia man-  
ducabis: beatus es, &  
bene tibi erit.

Magne dux acres tua per labores  
Sceptra, quæ vibras, bene consecute  
Herculis ritu, cluis invidendâ  
Sorte beatus.

Uxor tua sicut vi-  
tis abundans: in late-  
ribus domus tuæ.

Si tui consors generosa regni  
Uxor accedat, (nimis heu moraris!)  
Prole formosâ veluti racemis  
Vitis abundans:

Si

Si Tibi lætam soboles beata  
Ambiat mensam, veluti novellæ  
Æmulum pingui decorant Venafro  
Tybur olivæ.

Fili tui sicut novellæ Olivaram: in circuitu mensæ tuæ.

Ista fors justum manet ac tenacem  
Principem veræ fidei, timentem  
Regis æterni dominantiumque  
Principis iras.

Ecce sic benedicitur homo: qui timet Dominum.

Ille felices tibi præstet annos,  
Ille te pulchrâ faciat parentem  
Prole, venturos tibi donec ante  
Fata nepotes.

Benedicat tibi Dominus ex Sion: & videas bona Jerusalem omnibus diebus vitæ tuæ.

Et videas filios filiorum tuorum: pacem super Israël.

AD FONTEM MELLITUM  
ACIDULÆ SMECHTANÆ,

*in Diœcesi Paderbornensi.*

Fons in umbroso venerande luco,  
Jam diu Phœbo facer, ac Saluti,  
Qui levas fessum jecur, & palato  
Mella propinas  
Atticis longè potiora succis,  
Quos per Hyblæos studiosa colles  
Turba formosi populata florem  
Condidit anni.  
Montis intonsi decus & voluptas,  
Cujus extremo pede, bullienti  
Profilis æstu, gravis è metalli  
Divite venâ;

X 4

Prin.

Principem serva mihi FERDINANDUM,  
 PATRIÆ PATREM, tua concinentem  
 Nobili plectro, tua mella pleno  
 Ore bibentem.

H Y M N U S  
 DE SANCTO JOSEPHO.

Virginis purâ nive purioris  
 Nate mirando generate partu,  
 Virginis Sponsum canimus beatæ,  
 Accipe carmen.

Hic enim custos nivei pudoris,  
 Virginem servans thalamum, tuæque  
 Matris intactum sine labe florem  
 Virgo Maritus.

Te caro factum sine patre VERBUM  
 Vidit in cunis, tenerumque dolci  
 Strinxit amplexu, roseisque fixit  
 Oscula labris.

Mox per horrendos furialis enses  
 Regis, infantum tepidos cruore  
 Te neci diræ fugiens ademit  
 Nocte filenti.

Indè per duros aluit labores  
 Te velut fabrum faber, atque vasti  
 Fabricatorem sua vidit orbis  
 Ligna dolantem.

Latus exacto moriturus ævo,  
 Te tenens dextrâ, Dominamque lavâ,  
 Oribus sacris animam legentes  
 Fata peregit.

Hujus exaudi prece nos, tuique  
Scribe mi JESU gregis, & frequenti  
Labe pollutam meliore vitam

Morte corona.

Vivat æternùm Triados beatæ  
Laus, honor, virtus, decor, & potestas;  
Cælitum plaudat chorus, ac triumphet  
Omne per ævum.

A D

## AUGUSTINUM FAVORITUM,

*De diversoriis Herivordia civitatis Westphaliæ.*

Q Uas mea delicias, quæ diversoria quæris  
Westphala terra ferat? Rem paucis accipe. Nuper  
Me Mindâ egressum vetus urbs Herivordia primis  
Excepit tenebris post lubrica multa viarum.  
Nox & hyems, lassique artus & venter inanis,  
Proxima cauponis me tecta subire jubebant,  
Haud inhonorato fungentis munere; namque  
Caupona hîc Patrum est, non vilis cura popelli.  
Officiosus adest, meque introducit in ædes,  
Mox hypocaustum aperit: Nioben habitare putares,  
Cella tot hæc pueris, tot erat diffusa puellis.  
Hæcululat, rident aliæ, crepat hic nate fîsâ,  
Cogitur hic somnos agitatâ ducere cunis,  
Mille alii crepitus, clamores mille ciebant.  
Aufugio stomachans, & sola cubicula posco.  
Ut libet, hospes ait: vastam me ducit in aulam,  
Squalidam & informem, nec egentem pulveris atrî.

X 5

Pen-



Pendula de muris aulæ pararat Arachne.  
 Frigore torquebar; longo tandem excita flatu  
 Emicat, atque atrum fuligine flamma caminum  
 Corripit. accurrunt: ingens imponitur igni  
 Cacabus, ut mihi Vulcantum simul atque camino  
 Defendat; vix jam stomachum vocesque tenebam.  
 Interea veluti sponsum opperiente culinâ  
 Fervet opus, multum strepitus, rerum nihil. urget  
 Me rabiosa fames: plures latraverat horas  
 Ventriculus, cum mensa tripes parva atque rotunda  
 Ponitur ante focum, modicis illata patellis  
 Fercula procedunt, pultes, fumosaque perna,  
 Nigrum fertur olus nigro farcimine cinctum,  
 Accedit gallina recens jugulata, nec illam  
 Hospes erat doctus vivam mersare Falerno,  
 Dura fatigabat dentes miserumque palatum.  
 Nescio quid cœnam claudebat quisquiliarum.  
 At miseram Sabaia sitim cruciabat, & acris  
 Vappa instar veteris frontem caperabat aceti.  
 Ipsa mihi jam fessa malis patientia somnum  
 Corporis atque animi suadebat mite levamen.  
 Hospita tum lento, ceu Junonis sacra ferret,  
 Ingreditur, suspecta gerens mihi lintea, passu.  
 Ah! inquam, propera mihi lecti sternia mæta  
 Aurea; respondens multis ambagibus illa  
 Præfatur, veluti pro Rostris, se & sua laudans.  
 Inde pari incessu, qualis cum corpore tectum  
 Molitur testudo suum, procedit, opusque  
 Aggreditur, multa ancillæ præcepta ferebat:  
 Quæ dum fortè moras plus justo sedula rumpit,  
 O stolidum caput! aiebat: nonne hoc tibi centura  
 Edixi vicibus? properas nimis, omnia turbas.

At

At mihi prorumpens turbabat viscera bilis.  
 Tandem compositis magno molimine stratis  
 Expediunt scopas: mediis quid noctibus ædes  
 Verritis? exclamo; sic fas est, hospita lentâ  
 Voce refert, mundis laribus proceres decet uti.  
 Densa pavimento nubes it in aëra tetri  
 Pulveris, hæc nares atque ora oculosque manebat  
 Mundities tortura meos. O denique dulcis  
 Post mala tantâ quies! O blanda insomnia Tybur,  
 Et juga Telegoni, & Triviæ nemus, Itala Tempe,  
 Albanosque lacus, & dulcem ante omnia Romam!  
 Mox & ALEXANDRUM referentia, qualis in alto  
 Conspicuus folio pedibus devota ferentes  
 Oscula, & imperium majestatemque trementes  
 Christicolas blando alloquio vultuque sereno  
 Excipit, & voces facili bibit aure precantùm.  
 Ludite tam dulci me semper imagine noctes,  
 Dum procul Italiâ, procul Urbe Urbisque Parente,  
 Westphalicæ sedes me cauponæque tenebunt.

## P L A N C T U S

I N F U N E R E

A L E X A N D R I V I I .  
P O N T . O P T . M A X .

Q Ualis in molli periturus herba,  
 Fata cùm claudent oculos, iterque  
 Vocis, extremas olor ad querelas  
 Ora resolvit,

Qua-

Qualis & fluxos recinens amores  
 Ipsa flevisti miserante Lesbo,  
 Ultimum posthac tacitura Sappho  
 Incipe carmen.

Occidit, (crebri perimunt in ore  
 Verba singultus, geminoque falsæ  
 Fonte labentes, nivis instar, undæ,  
 Vere solutæ:)

Occidit Mundi Pater Imperique  
 Maximi custos, decus omne blandis  
 Lesbidum chordis, cytharæ voluptas  
 Unica nostræ.

Impares Musæ, (nisi docta vobis  
 Additur Sappho) lyricique Vates  
 Quotquot atratum canitis per orbem  
 Jungite questus.

Ah! ALEXANDER, tua quò recessit  
 Candidi vultus nitido decori  
 Mixta majestas, oculisque vibrans  
 Fulgor acutis?

Læta quò frontis species amaris  
 Imperi nunquam violata curis,  
 Par & Orphæis fidibus beatæ  
 Gratia linguæ?

Quò pium, constans, placidumque pectus  
 Pluribus dignum dare jura Mundis,  
 Et simul Musis & Apollini gra-  
 tissima sedes?

Ultimæ lugent tua fata gentes,  
 Frigida longè positæ sub Arcto,  
 Quæque flammantis propiore solis  
 Axe calescunt.

Flens

JOANNIS ROTGERI TORCKII. 333

Flens & æternæ monumenta famæ,  
Urbis Augustæ decora alta, priscas  
Cæsarum moles imitata divûm

Sacra tropæa.

Ipsa te pestis procul effugata,  
Et fames, & Mars, & amicus auri  
Ambitus Ditis reverentur imi è

Sede profunda.

Ah ALEXANDER mea lux! quid ultra  
Nostra testudo sua fila tendet?

Auribus blandi quibus obloquentur  
Carmina nervi?

Viximus dulces cytharæ, supremus  
Barbiton rumpat dolor, ut vorantes  
Pallidos artus & inane corpus

Augeat ignes.

A D

F E R D I N A N D U M

*Episcopum & Principem Paderbornensem,  
Coadjutorem Monasteriensem, &c.*

O D E

*De Driburgi deliciis & sua Celsitudinis laudibus.*

**T**Eutonum saltus, acidasque nostræ  
Fontium venas repetunt Camœnæ,  
Et per umbrosos nemorum recessus  
Frigora captant,

Tin-

Tinnulis blandè fidibus canentes  
Inter argutas volucrum querelas,  
Calle saxoso fugientis inter  
Murmura rivi.

Adstrepunt lenes Zephyri susurri,  
Fluctuans densis seges alta spicis  
Annuit, picto variata rident  
Gramina flore.

Mille dum laudes Tibi FERDINANDE,  
Lesbiæ concors modulis Puellæ  
Grata testudo canit ic̄ta nostræ  
Pollice Musæ.

Ut Driburgensi decori est popello  
Pinguibus nascens faba multa campis,  
Et sacri fontis liquor, & vetusti  
Rudus Iburgi.

T E Tuis summum decus esse terris,  
Omnis hic cantat chorus, omnis ætas,  
Et cavæ rupes, & amicta flavis  
Messibus arva.

Nempe T E crebras vigilante noctes,  
Et Tuis pacem redimente curis,  
Tutus & pagos sopor & quietas  
Occupat urbes.

Otium gaudens agitat juvenus,  
Otio felix fruitur senectus,  
Carpit immunes pecus otiosum  
Suaviter herbas :

Quæque fallaces alibi per artes  
Sanguinem plebi Patribusque passim  
Ebibunt, vafra bene T E secantur  
Judice lites.

Quæque vefanis animos potentum  
Semper irritat ftimulis voluptas,  
Omnibus ventri placitura quærens

Pabula terris:

Nec peregrino fatiata Bacchò,  
Nec mari vasto, aut ftabulis ferarum,  
Blanda TE peftis fugitat, Tuâque  
Exulat aulâ.

TE juvant cantus, citharæque Phœbi,  
Et fufurrantes Heliconis umbræ,  
Et coronatæ TIBI fefta præbent  
Gaudia Mufæ.

O Sacrum Regni decus! O Deorum  
Vita! quæ sævis potior triumphis,  
Orbe terrarum feret ac Olympo  
Judice palmam.

A D

F E R D I N A N D U M

Epifcopum & Principem Paderbornenfem,  
Anno M. DC. LXI.

*Ne artem Poëticam fortuna ac dignitati fua  
indecoram existimet.*

Qualis in fulvo peregrinus auro  
Splendor Eöi lapidis corufcat,  
Et repercuffum tremulo laceffit  
Lumine Phœbum;

T2.

Talis augusto in folio renidet  
 Fœdere insigni sociatus altis  
 Barbitos sceptris, & Apollinari  
 Infula lauro.

Gaudet argatæ fidibus Camcænæ  
 Læta Majestas, gravidamque curis  
 Explicat frontem, populosque blando  
 Temperat ore.

Largus ingentes animare grandi  
 Spiritu Heroas, Deus ipse Regum  
 Corda facundos agitante Vates  
 Concitat æstu.

Testis infani domitrix profundi  
 Principis magni lyra, fabulosi  
 Thracis irridens remorata pronos  
 Carmina rivos,

Quæ per undosum sine fraude Pontum,  
 Calle siccato, solidos utrimque  
 Vitreâ muros imitante lymphâ  
 Mille phalanges

Duxit, & rursum coëunte fluctu,  
 Nereum sacrâ feriente virgâ,  
 Obviis hostes temerè infecutos  
 Obruit undis.

Sensit horrendo furiatus cœstro  
 Fila Jessææ cytharæ Tyrannus  
 Sæpe pacato pepulisse sævum  
 Pectore Ditem,

Fila regali modulata dextræ,  
 Quâ Gigantææ data plaga fronti,  
 Quâ Philistæo cecidere fusæ  
 Pulvere turmæ.

Gentis ô nostræ Pater atque Princeps,  
 Sanguis Heroum, geniale summo  
 Perge ALEXANDRO, senibusque sæclis  
 Pangere carmen.

Invidi dentes canis, irritosque  
 Sperne latratus, velut obstrepentes  
 Attidum nidis resonans canoris  
 Sylva paludes.

Dum Quirinales tibi, Tusculæque  
 Annuant lauri, Paderæque flavus  
 Tybris, & præceps Anio, Thetisque  
 Omnibus undis

Plaudat, & Phœbus *juvenesque Musa*,  
 Horridum bellis, & adhuc calentem  
 Sanguine Arctoo, atque iterum ruentem in  
 Prælia Martem

Dulcibus captum modulis amcenâ  
 Valle reclinent, ubi sæva blandus  
 Tela furetur sopor, ac inermes  
 Vinciat artus.

Sic Tibi puri sine nube soles,  
 Sic ALEXANDRO nova sæcla prisco  
 Rideant vultu, domitusque Romam  
 Mundus adoret.

Y

A D



A D

*Illustrissimum ac Reverendissimum Præsulem*

VALERIUM MACCIONIUM,

*Episcopum Marrochinum.*

O D E.

**N**ulla te mentis rabies avaræ  
 Exigit, fulvum sapienter aurum  
 Spernis & gemmas, date Præsul atris  
 Candide Mauris.

Altior sacrum tibi cura pectus  
 Igne cælesti coquit, ut perustus  
 Ire Gætulos cupias, & Afras  
 Visere Syrtes.

Impio fretas Mahomete gentes,  
 Grande Divini pretium cruoris,  
 Victimas diri miseraris Orci  
 Ire sub umbras.

Tanta te strages populi ruentis  
 In tenebrosos Phlegethontis ignes  
 Urit, & sanctum tibi cor acerbo  
 Vulnere findit.

Parvulæ talis jecur & Teresa  
 Flamma succendit, properantis almâ  
 Morte venalem Libycis in oris  
 Quærere laurum.

Vidit

JOANNIS ROTGERI TORCKII. 339

Vidit invicto generosorem  
Regulo, & Paulis, animæ tenellæ  
Prodigam infantem DEUS, & sereno  
Ore renidens,  
Siste ferventes, animosa virgo,  
Impetus, dixit: mea te pharetra  
Dulcibus telis gravis, incruento  
Fine beabit.

A D

HORTENSIUM MAURUM,

*SERENISSIMI PRINCIPIS*

GEORGII WILHELMI,

*Ducis Brunsvicensis ac Lunæburgensis,  
Familiarem.*

O D E.

NE salebrosos tibi sit labori  
Maure venando peragrarè saltus,  
Et per abstrusos nemorum recessus,  
Præpete cursu  
Consequi cervos, pavidasque damas,  
Et sues ore ignivomo timendos;  
Gestit hibernos ita noster Heros  
Condere soles,  
Imbrium, & canæ patiens pruinae,  
Et vagos Cauri glaciantis amnes,  
Dum laborantes nivium pererrat  
Pondere silvas.

Y 2

Dul-

Dulcis excelso est animo canum vis,  
Dulce latratu resonare montes,  
Dulce fetosum furialis apri  
Figere pectus.

Sanguinis clari generosus ardor  
Æstuat venis, & amat periculum:  
Inclyta aprugno cecidere dente  
Fulmina belli.

Testis est Thracum domitor Serinus  
Tot cruentatus rapidis Scytharum  
Cædibus, diro à sue qui peremptus  
Occubat umbris.

Maximum nobis foror alma Phœbi  
Principem ferva, tege tu ruentis  
In feras carum latus, impetusque  
Siste feroces

Mentis augustæ; Pylis ut annos  
Patriæ vivat Pater, ac triumphet,  
Vive tu nostræ memor & Camœnæ  
Maure, valeque.

A D

F E R D I N A N D U M

*Episcopum & Principem Padibornensem, Coadju-  
torem Monasteriensem, Comitem  
Pyrmontanum, &c.*

O D E.

L Ufimus vestros latices, & umbras  
Tusculi quondam, mea vita, colles,  
Teque clamoris Anio ruentem  
Lufimus undis.

Musa nunc cellæ mea servit arci,  
Quam Padus circumfluit, ac Aliso  
Blandiens hortis, & utrâque crescens  
Luppia Nymphâ.

Qualis Alcmenâ fatus expetitos  
Profilit cunis puer ad labores,  
Et Gigantæos animosus infans  
Exerit artus;

Luppiaæ tales Paderæque fontes  
Editi magnæ gremio Parentis  
Mox rotas versant, Cereremque conte-  
rentia saxa.

Altius ducens genus è nivosis  
Montibus, multas Tibi, FERDINANDE, ad-  
murmurat grates, tua quem Camœna  
Dixit, Aliso.

Hi pererrantes tua rura lætas  
Educant herbas onerantque mensas

Y 3

Ter-

Terga stellatis maculosa trutis

Dapfilis hami

Fraude deceptis; scatet his per omnes

Lympha convalles, Tua quà refulget

Jura subiectis veneranda reddens

Infula terris.

AmisI fontes Tibi, Dimolæque

Tractus, & centum famulantur amnes,

Ipfus undarum Tibi fervit omni

Mole Vifurgis.

Hic ubi lætos Beverunga montes

Vestit, & silvis tegit aut aristis,

Qui Tuas inter mihi dulcè ridet

Angulus oras.

Hic decet nigras sepelire curas,

Hic juvat fractas reparare vires,

Hic placet vernos mihi Te canendo

Condere soles.

Sapphicos Phœbo Polyhymniâque

Luctor invitâ properare versus,

Parce defessam lyra stulta risu

Rumpere Lesbon,

